

GARIS PANDUAN FASA AWAL ENDEMIK BAGI PENGAJIAN TINGGI DAN PUSAT LATIHAN (AWAM DAN SWASTA)

Dokumen ini menyediakan langkah-langkah di mana institusi-institusi pendidikan teknikal dan pengajian tinggi, dan pusat-pusat latihan awam dan swasta di bawah Kementerian Pendidikan, Kementerian Hal Ehwal Ugama, Kementerian Kebudayaan, Belia dan Sukan, dan Pusat Kesenian dan Pertukangan Tangan Brunei dibenarkan untuk menjalankan aktiviti semasa Fasa Awal Endemik dalam Rangka Kerja Pemulihan COVID-19 Kebangsaan. Pendekatan kami adalah berdasarkan memastikan pematuhan kepada langkah teras yang disenaraikan di bawah langkah-langkah Kawalan COVID-19, penggunaan *Antigen Rapid Test* (ART) untuk pengesanan awal penyakit dan memperkenalkan sekatan yang berbeza bagi individu sudah divaksinasi dan belum divaksinasi.

Fasa Endemik

Boleh bermula pada tahap 80% perlindungan vaksinasi.

Hidup dengan COVID-19 dengan gangguan minima pada aktiviti harian.

Langkah-langkah yang boleh dilaksanakan:

- Pengurusan COVID-19 selaras dengan penyakit influenza bermusim dan penyakit berjangkit lain.
- Tingkatkan program penggalak vaksin – pertimbangkan keperluan untuk penggalak tahunan biasa seperti penyakit influenza bermusim.
- Tiada langkah-langkah sekatan berterusan di tempat kerja, perniagaan dan sekolah.
- Kelonggaran pada perjalanan masuk dan keluar negara.

Langkah-Langkah Kawalan COVID-19

- Penggunaan aplikasi *BruHealth*
 - **Mendaftar *BruHealth***: Semua premis mesti mendaftar untuk mendapatkan kod QR *BruHealth*.
 - **Mengimbas Kod *BruHealth***: Pemilik premis hendaklah memastikan semua individu yang memasuki premis mengimbas aplikasi *BruHealth* mereka sebaik sahaja masuk (termasuk semua kakitangan/pelajar/pekerja/pelawat).
 - **Warna Kod *BruHealth***: Pemilik premis memastikan hanya individu yang mempunyai kod *BruHealth* Hijau dan Kuning dibenarkan masuk. Kad pengenalan hendaklah diperiksa sebagai pengesahan.

- Vaksin Lengkap: Pemilik premis hendaklah memastikan semua kakitangan/pelajar/pekerja/pelawat layak diberi vaksin (tiada kontraindikasi perubatan) telah divaksin sepenuhnya.
- Penjarakan Sosial: Langkah-langkah menjauhkan fizikal yang telah ditetapkan: sekurang-kurangnya 1.5 meter antara individu jika boleh.
- Pengudaraan Premis: Pemilik premis dalaman memastikan premis mempunyai pengudaraan yang mencukupi.

Individu yang divaksin sepenuhnya

Seseorang individu dianggap telah diberi vaksin sepenuhnya jika dia telah menerima rejimen vaksin yang di dalam Senarai Penggunaan Kecemasan WHO (WHO EUL) atau vaksin yang diluluskan BDMCA. Status vaksinasi dalam aplikasi *BruHealth*, Sijil Vaksinasi Antarabangsa atau Buku Profilaksis (Buku Kuning) individu atau rekod vaksinasi lain yang boleh diterima boleh ditunjukkan kepada pengurusan premis atau penganjur acara sebagai bukti vaksinasi.

Langkah-Langkah untuk Pembukaan Pengajian Tinggi dan Pusat Latihan

Sekatan Kapasiti

- Institusi pendidikan teknikal dan pengajian tinggi dan pusat-pusat latihan awam dan swasta dibenarkan beroperasi seperti biasa dengan tiada had kapasiti bagi pengajaran dan pembelajaran yang dilaksanakan secara hibrid, iaitu bersemuka dan dalam talian.
- Aktiviti-aktiviti ko-kurikulum, majlis-majlis dan mesyuarat/seminar adalah dibenarkan pada kadar 75% kapasiti daripada kapasiti penuh premis pada satu masa atau sehingga 300 individu (yang mana lebih rendah).
- Kemudahan-kemudahan kampus seperti asrama, perpustakaan, kemudahan sukan, kantin dan kafeteria serta surau dibenarkan beroperasi pada kadar 75% kapasiti daripada kapasiti penuh premis pada satu masa atau sehingga 300 individu (yang mana lebih rendah).

Protokol Kemasukan

- Individu yang lengkap mendapat 2 dos vaksin dibenarkan untuk hadir ke premis-premis berkenaan dengan dikehendaki untuk membuat ujian ART seminggu sekali dan mendapat keputusan negatif. Bukti pengesahan vaksinasi hendaklah ditunjukkan.

- Individu yang mendapat 1 dos vaksin dibenarkan untuk hadir ke premis-premis berkenaan dengan syarat mengambil pemeriksaan Antigen Rapid Test (ART) setiap selang hari dan mendapat keputusan negatif.
- Individu yang tidak mengambil vaksin tidak dibenarkan untuk memasuki premis.
- Semua individu dikehendaki memakai sungkup muka (*face mask*).
- Semua individu dikehendaki mengimbas Kod QR premis dengan menggunakan aplikasi *BruHealth*.
- Hanya individu yang mempunyai kod *BruHealth* warna hijau dan kuning sahaja dibenarkan masuk. Kad pengenalan hendaklah ditunjukkan sebagai pengesahan.
- Individu yang mengalami simptom tidak dibenarkan masuk.
- Mempraktikkan penjarakan sosial pada setiap masa.
- Mengelakkan sebarang kontak fizikal.
- Pemeriksaan suhu badan hendaklah dilakukan dan menggunakan sanitasi tangan sebelum memasuki premis.
- Memastikan Garis Panduan Kementerian Kesihatan Brunei Darussalam sentiasa dipatuhi.

Protokol Pengurusan Sanitasi dan Pembersihan Pembasmi Kuman

- Menjaga kebersihan diri sepanjang masa.
- Menyediakan tisu dan cecair pembasmi kuman untuk pengguna/pengunjung.
- Membersihkan kerusi dan meja dan peralatan premis selepas digunakan.
- Membersihkan tombol pemegang pintu setiap dua jam.
- Kerap membersihkan tandas dalam sehari.
- Menyediakan sabun pencuci tangan di dalam tandas.
- Membersihkan ruang/bilik yang digunakan oleh pengguna/pengunjung dengan cecair pembasmi kuman dua kali sehari.